

Solche furnemen bruder Tezels, vnd seine tortischen<sup>91)</sup> predigeten, das er so frech, vnd vmbß geldß willen die Indulgentien auffgemüßt<sup>92)</sup>, haben viel leuten vbil gefallen, dorvmb sie auch bemerglich darwieder geschrieben vnd geprediget. Sunderlich ein schwarzer Mönich augustiner ordens zu Wittenberg, Martinus Luther gnant, ein vabst fuhner, khüner aber vnd viel gelerter monnich den Tezel. Gleich der, hat sich<sup>93)</sup> mit dem sturm, gewalt vnd vnuorzunufft in die sachen geleet, wiewol erstlich mit einem schein des glimpfs zimlich geschrieben, so ime abir begegnet<sup>94)</sup>, ist er gereizet vnd von tage zu tage vnsynniger wurden vnd angefangen, zu sagen, zu predigen vnd zu schreiben, Indulgentie sunt Romanorum nequitie, vnd gefolget<sup>95)</sup> nyemandis der seines wegis nicht gewest verschonet, den Babst mit allir seiner gewalt, geistlikeit vnd Ceremonien also geschwinde<sup>96)</sup> angegriffen vnd geschmehet, das das Babsthumb mit allir seiner herlikeit, vnd geistlichen Rechten, die er auch zu Wittenberg offentlich verbrant, deyt-scher nation, ein vngehertir<sup>97)</sup> spott vnd vermaledeyung ist wurden, hat allis wieder seine lere und das evangelium sein müssen, so er offentlich geschrieben, das er alleine das evangelium so von cristi leiden und der prediget der aposteln vndir der banke gelegen herfur gezogen hette widervmb.

Neben vnd mit dem<sup>98)</sup>, zuuorachtung des babsthumbs vnd allir seiner lehre, das allis hat menschlicher tant sein müssen, zur selikeit ganz vnd gar vndinstlich, hat genanter Monich Luther herfurbracht, aus den buchern Johan-

viel wohlfeiler. 91) tortischen, tortischen, verwegenen. 92) auffgemüßt, aufgemutet, aufgedrungen. 93) sich. Der hat sich gleich.. 94) begegnet. Wenn man ihm aber widersprochen hat. 95) gefolget, in der Folge, nachmals. 96) geschwinde, stark, kräftig, heftig. 97) vngehertir, unerhörter. 98) Neben vnd mit dem. Daneben und zugleich mit den Angriffen auf das Papsthum, hat...